



65791

才調集卷第二

國朝古
不律圖
書翰藏
蜀監察御史韋

毅集

古律雜歌詩一百首

鈍吟云此書第一卷至八卷皆取一人歷卷去取多有微旨不專在工拙也宜取各家全集參看

温飛卿六十一首

鈍吟云歌行只取温○歌行選飛卿不取長吉豔體取微之不取致光致光惟取香奩一篇○温李詩句句有出而文氣清麗多看六朝書方能作之楊劉已後絕響矣元人效之終不近○七言歌行盛于梁末至天寶而變杜子美新題樂府前無古人自開一體李太白則自小雅楚詞至于三和樂府漢人歌謡鮑明遠之遺逸徐庾之綺麗并而

四第六八

才調集卷第二

重雲堂

有之奇蘊又忽悅以為創格凡一句一字皆有依據以為倣效古人則又過于古人真千古絕唱也大略歌行之法變于李杜亦成于李杜後人無能出其範圍矣飛卿學太白有其一體視之長古奇峭不如而波瀾稍寬韋君不取小李只有一篇又是五言專取飛卿第六卷選太白有歌行數篇其奇中又奇如蜀道難之類皆不取意頗不可解蓋後人學太白有二病一恐傷于詭譎如孫光憲議長吉以為無理是也二者傷于粗險晚唐入多有此病若自温入則流麗平典都無此矣

過華清宮二十二韻

默庵云此是過華清宮故如此起若牧之直咏華清宮則以繡嶺明朱殿起矣
鈍吟云此篇着意只在開元盛時
孫山亂後便略與華清長恨不同

憶昔開元日。承平事勝遊。貴妃專寵幸。天子富春秋。月白霓裳殿。風乾羯鼓樓。鬪雞花蔽膝。騎馬玉搔頭。繡轂千門妓。金鞍萬戶侯。薄雲敬雀扇。輕雪犯貂裘。過客聞韶濩。居人識冕旒。氣和春不覺。煙暖霽難收。澁浪涵瑤甃。晴陽上綵旒。卷衣輕鬢嬾。窺鏡淡蛾羞。屏掩芙蓉帳。簾褰玳瑁鉤。重瞳分渭曲。纖手指神州。御案迷萱草。天袍妬石榴。深巖藏浴鳳。鮮隰媚潛虬。不料邯鄲蟲。俄成即墨牛。劍鋒揮太皞。旗焰拂蚩尤。內嬖陪行在。孤臣預坐籌。瑤管遺翡翠。霜仗駐驂騑。豔笑雙飛斷。香魂一哭休。蚤梅悲蜀道。高樹隔昭丘。朱閣重霄近。蒼崖萬古愁。至今湯殿水。嗚咽縣前流。

洞戶二十二韻

洞戶連珠網。方䟽隱碧潯。燭盤煙墜燼。簾壓月通陰。粉白仙郎署。霜清玉女砧。醉鄉高窈窕。棊陣靜愔愔。素手琉璃扇。玄鬢玳瑁簪。昔邪看寄迹。梔子

詠同心樹列千秋勝樓懸七夕針舊詞翻白紵新
賦換黃金唳鶴調蠻鼓驚蟬應寶琴舞疑繁易度
歌轉斷難尋露委花相妬風敲柳不禁橋彎雙表
迴池漲一篙深清蹕傳恢囿黃旗幸上林神鷹參
翰苑天馬破蹄泐武庫方題品文園自一作好音朱
莖殊菌蠢丹桂欲蕭森黼帳迴瑶席華燈對錦衾
畫圖驚畏一作獸純云衛協有畏獸圖書帖得來禽河曙秦樓映
山晴魏闕臨綠囊逢趙后青瑣見王沈任達嫌孤
憤踈慵倦九箴若爲南道客猶作臥龍吟

握柘詞

楊柳縈橋綠玫瑰拂地紅繡衫金駉裏花髻玉瓏
聰宿雨香潛潤春流水暗通畫樓初夢斷曉日照
湘風

碧澗驛曉思

香燈伴殘夢楚國在天涯月落子規歇滿庭山杏
花

送人東遊

荒。戎。落。黃。葉。浩。然。離。故。關。高。風。漢。陽。渡。初。日。郢。門。
山。江。上。幾。人。在。天。涯。孤。棹。還。何。當。重。相。見。尊。酒。慰。
離。顏。

偶題

孔。雀。眠。高。閣。櫻。桃。拂。短。簷。畫。明。金。冉冉。箏。語。玉。纖。
纖。細。雨。無。妨。燭。輕。寒。不。隔。簾。欲。將。紅。錦。段。因。夢。寄。
江。淹。

二名一

才調集卷第二

四

垂雲堂

贈知音

鈍云直敘

翠。羽。花。冠。碧。樹。雞。未。明。先。向。短。牆。啼。窗。閒。謝。女。青。
蛾。斂。門。外。蕭。郎。白。馬。嘶。星。漢。漸。回。庭。竹。影。露。珠。猶。
綴。野。花。迷。景。陽。宮。裏。鐘。初。動。不。語。垂。鞭。上。柳。堤。

鄴杜郊居

槿。籬。芳。援。近。樵。家。隴。麥。青。青。一。逕。斜。寂。寞。遊。人。寒。
食。後。夜。來。風。雨。送。梨。花。

送李憶東歸

六言

黃山遠隔秦樹。紫禁斜通渭城。別客青青柳弱。前
溪漠漠苔生。和風澹蕩歸客。落月殷勤。蚤鷺灞上
金尊未飲。讌歌已有餘聲。

陳宮詞

鈍吟云如畫

雞鳴人草草。香輦出宮花。妓語細腰轉。馬嘶金面
斜。蚤鷺隨綵仗。驚雉避凝笳。浙瀝湘風外。紅輪映
曙霞。

春日野行

才調集卷第二

五

垂雲堂

騎馬踏煙莎。青春奈怨何。蝶翎朝一作胡粉。盡鴉背夕
陽。多柳豔欺芳。帶山愁縈翠蛾。別情無處說。方寸
是星河。

西州詞 吳聲

鈍吟云猶有
太白之意

悠悠復悠悠。昨日下西州。西州風色好。遙見武昌
樓。武昌何鬱鬱。儂家定無匹。小婦被流黃。登樓撫
瑤瑟。朱弦繁復輕。素手直淒清。一彈三四解。掩抑

似含情。南樓登且望。西江廣復平。艇子搖兩槳。催
過石頭城。門前烏臼樹。慘澹天將曙。鷓鴣飛復還。
郎隨早帆去。迴頭語同伴。定復負情儂。去帆不安
幅。作抵使西風。他日相尋索。莫作西州客。西州人
不歸。春草年年碧。

春洲曲

韶光染色如蛾翠。綠溼紅鮮水。容媚蘇小慵。多蘭
渚。開融融。浦日鷓鴣寐。紫騮蹀躞金銜嘶。岸上揚
鞭煙草迷。門外平橋連柳堤。歸來晚樹黃鸝啼。

陽春曲

雲母空窗曉煙薄。香昏龍氣凝輝閣。霏霏霧雨杏
花天。簾外春威著。羅幕曲闌伏檻金麒麟。沙苑芳
郊連翠茵。廢馬何能齧芳草。路人不敢隨流塵。

錢塘曲

錢塘岸上春如織。森森寒潮帶晴色。淮南遊客馬
連嘶。碧草迷人歸不得。風飄客意如吹煙。纖指殷

勤傷鴈弦。一曲堂堂紅燭筵。金鯨瀉酒如飛泉。

春日將欲東歸寄新及第茁紳先輩

幾年辛苦與君同。得喪悲歡盡是空。默云新及第

折桂自憐默云將徵。羈客尚飄蓬。三春月照千山道。十日花

開一夜風。知有杏園無路入。馬前惆悵滿枝紅。默云東歸

經李徵君故居

露濃煙重草萋萋。樹映闌干柳拂堤。一院落花無

容醉。五更殘月有鶯啼。芳筵想像情難盡。故榭荒

涼路已迷。惆悵羸驂往來慣。每經門巷亦長嘶。垂雲堂

懷真珠亭

珠箔銀鈎近綵橋。昔年曾此見嬌饒。香燈悵望飛

瓊鬢。涼月殷勤碧玉簫。屏倚故窗山六扇。柳垂寒

砌露。千條壞牆經雨蒼苔遍。拾得當時舊翠翹。

李羽處士故里

柳不成絲草帶煙。海槎東去鶴歸天。愁腸斷處春

何限。病眼開時月正圓。花若有情應悵望。水應無

事莫潺湲須知此恨銷難得。辜負南華第一篇。

夜看牡丹

鈍云一勾便晏牡丹

高低深淺一闌紅。把火殷勤遶露鼓。希逸近來成
嬾病。不能容易向春風。

池塘七夕

月出西南露氣秋。綺寮河漢在針樓。楊家繡作鴛
鴦幔。張氏金爲翡翠鈎。銀燭有光妨宿燕。畫屏無
睡待牽牛。萬家砧杵三篙水。一夕橫塘是舊遊。

默云池塘

二五八

才調集卷第一

八

垂雲堂

和友人悼亡

玉貌潘郎淚滿衣。畫羅輕鬢雨霏微。紅蘭委露愁
難盡。白馬朝天望不歸。寶鏡塵昏鸞影在。鈿箏弦
斷鴈行稀。春來多少傷心事。碧草侵階粉蝶飛。

和友人傷歌姬

月缺花殘莫愴然。花須終發月終圓。更能何事銷
芳念。亦有濃華委逝川。一曲豔歌留婉轉。九原春
草葬嬋娟。王孫莫學多情客。自古多情損少年。

春暮宴罷寄宋壽先輩

斜掩朱門花外鐘。曉罵時節好相逢。窗間桃葉宿
粧在。雨後牡丹春睡濃。蘇小風姿迷下蔡。馬卿才
調似臨邛。誰憐芳草生三徑。參佐橋西陸士龍。

題柳

楊柳千條拂面絲。綠煙金穗不勝吹。香隨靜婉歌
塵起。影伴嬌饒舞袖垂。羌管一聲何處曲。流鶯百
轉最高枝。千門九陌花如雪。飛過宮牆兩自知。

春日偶成

西園一曲豔陽歌。擾擾車塵負薜蘿。自欲放懷猶
未得。不知經世竟如何。夜聞猛雨判花盡。寒戀重
衾覺夢多。釣渚別來應更好。春風還爲起微波。

途中偶作

默云途中

石路荒涼接野蒿。西風吹馬利如刀。莫程投驛蕙
蘭靜。廢寺入門禾黍高。雞犬夕陽喧縣市。鳧鷖秋
水曝城壕。故山有夢不歸去。官樹陌塵何太勞。

贈彈箏人

天寶年中事玉皇。曾將新曲教寧王。鈿蟬金鳳皆
零落。一曲伊州淚萬行。

瑶瑟怨

冰簟銀床夢不成。碧天如水夜雲輕。鴈聲遠過一作向
瀟湘去。十二樓中月自明。

春日野步

日西塘水金堤斜。碧草芊芊晴吐芽。野岸明媚山

二房四

才調集卷第一

十

重雲堂

芍藥水田叫噪官蝦蟆。鏡中有浪動菱蔓。陌上無
風飄柳花。何事輕橈向一作向溪客。綠萍方好不歸家。

和友人溪居別業

積潤初銷碧草新。鳳陽晴日帶雕輪。絲飄弱柳平
橋晚。雪點寒梅小院春。屏上樓臺陳后主。鏡中金
翠李夫人。花房透露紅珠落。蛺蝶雙雙護粉塵。

宿城南亡友別墅

水流花落歎浮生。又伴遊人宿杜城。還似昔年殘

默云亡友

默云宿城南

夢裏透簾斜月獨聞鶯。

偶遊

默云破。偶遊。
曲巷斜臨一水閒。小門終日不開關。

鈍云三句宛然一妓家畫出狹邪光景。

紅珠斗帳櫻桃熟。金尾屏風孔雀閑。雲髻幾迷芳草蝶。額黃無限夕陽山。與君便是鴛鴦侶。休向人間覓往還。

郭處士擊甌歌

鈍吟云。句句觀出温李皆如此。歌行多取飛卿不取長吉。

才調集卷第二

十一

垂雲堂

信粟金虬石潭古。勺陂潏濫幽脩語。湘君寶馬上天雲。碎珮鼓鈴滿煙雨。吾聞三十六宮花離離。軟風吹春星斗稀。玉晨冷磬破昏夢。天露未乾香著衣。蘭釵委墜垂雲髮。小響丁當逐迴雪。晴碧煙滋重疊山。羅屏半掩桃花月。太平天子駐雲車。龍爐勃鬱雙蟠拏。宮中近臣抱肩立。侍女低鬟落翠花。亂珠觸續正跳蕩。傾頭不覺金烏斜。我亦爲君長歎息。絨情遠寄愁無色。莫沾香夢綠楊絲。千里春

風正無力。

錦城曲

蜀山攢黛留晴雪。簷筍蕨芽縈九折。江風吹巧翦
霞綃。花上千枝杜鵑血。杜鵑飛入巖下鼓。夜叫思
歸山月中。巴水漾情情不盡。文君織得春機紅。怨
魄未歸芳草死。江頭學種相思子。樹成寄與望鄉
人。白帝荒城五千里。

張靜婉採蓮曲 并序

二名七十

才調集卷第一

十三

垂雲堂

靜婉羊侶妓也。其容絕世。自爲採蓮二曲。今樂
府所存。失其故意。因歌以俟。採詩者。事具載梁史。
蘭膏墜髮紅玉春。燕釵拖頸拋盤雲。城西楊柳向
嬌晚。門前溝水波粼粼。麒麟公子朝天客。珂一作馬

堂堂渡春陌。掌中無力舞衣輕。翦斷鮫綃破春碧。

抱月飄煙一尺腰。麝臍龍髓憐嬌饒。秋羅拂水碎

光動。露重花多香不銷。鷓鴣交交一作膠塘水滿。綠芒

如粟蓮莖短。一夜西風送雨來。粉痕零落愁紅淺。

船頭折藕絲暗牽。藕根蓮子相留連。郎心似月月
易缺。十五十六清光圓。

照影曲

景陽粧罷瓊窗暖。欲照澄明香步。嬾橋上。衣多抱
綵雲。金鱗不動春塘滿。黃印額山。輕爲塵。翠鱗紅
穉俱含頰。桃花百媚如欲語。曾爲無雙。今兩身。

塞寒行

燕弓弦勁霜封瓦。撲鞍寒雕睇平野。一點黃塵起。

二名五十一

才調集卷第三

十三

聖雲堂

鴈。喧。白。龍。堆。下。千。蹄。馬。河。源。怒。濁。風。如。刀。翦。斷。朔。

雲。天。更。高。晚。出。榆。關。逐。征。北。驚。沙。飛。逆。衝。貂。袍。心。

許。凌。煙。名。不。滅。年。年。錦。字。傷。離。別。彩。豪。一。畫。竟。何。

榮。空。使。青。樓。淚。成。血。

鈍云結句太舊。

湖陰詞

并序

王敦舉兵至湖陰。明帝微行。視其營伍。由是樂府
有湖陰曲。而亡其詞。因作而附之。

祖龍黃鬚珊瑚鞭。鐵驄金面青連錢。虎髯拔劍欲

成夢日壓賊營如血鮮。海旗風急驚眠起。甲重光
搖照湖水蒼黃。追騎塵外歸。森索妖星陣前死。五
陵愁碧春萋萋。灞川玉馬空中嘶。羽書如電入青
瑣。雪腕如槌催畫鞞。白虬天子金煌銚。高臨帝座
迴龍章。吳波不動楚山晚。花壓闌干春晝長。

晚歸曲

格格水禽飛帶波。孤光斜起夕陽多。湖西山淺似
相笑。菱刺惹衣攢黛蛾。青絲繫船向江木。蘭芽出
土吳江曲。水極晴搖泛濫紅。草平春染煙綿綠。玉
鞭騎馬楊叛兒。刻金作鳳光參差。丁丁暖漏滴花
影。催入景陽人不知。鸞堤弱柳遙相矚。雀扇圓圓
掩香玉。蓮塘艇子歸不歸。柳暗桑穠聞布穀。

湘東宴曲

湘東夜宴金貂人。楚女含情嬌翠嚬。玉管將吹插
鈿帶。錦囊斜拂雙麒麟。重城漏斷孤帆去。唯恐瓊
籤報天曙。萬戶沉沉碧樹圓。雲飛雨散知何處。欲

上香車。俱脉脉。清歌響。斷銀屏。隔堤外。紅塵蠟。作蜜
炬歸樓前澹月連。江白。

碌碌詞

左亦不碌碌。右亦不碌碌。野草白根肥。羸牛生健犢。融蠟作杏蒂。男兒不戀家。春風破紅意。女頰如桃花。忠言未見信。巧語翻咨嗟。一鞘無一作沒兩刀。徒勞油鐸車。

春野行 雜言

才調集卷第二

十五

垂雲堂

草淺淺。春如翦。花壓李娘愁。飢蠶欲成繭。東城少年氣。堂堂金丸驚。起雙鴛。鴛含羞。更問衛公子。月到枕前春夢長。

醉歌

默庵云此

傲樊川

鈍吟云全

効太白

簷柳初黃。燕新乳。曉碧芊綿。過微雨。樹色深含。臺榭情。鶯聲巧。作煙花主。錦袍公子。陳盃觴。撥醅百

甕春酒香入門下馬問誰在降階握手登華堂臨

叩美人連山眉

鈍云連字有味温李不直用一事多以襯貼見奇

低抱琵琶含怨

思朔風繞指我先笑明月入懷君自知勸君莫惜

金一作芳樽

酒年少須臾如覆手辛勤到老慕簞瓢於

我悠悠竟何有洛陽盧仝

一作

稱文房妻子脚禿春

黃糧阿耆光顏不識字指麾豪雋如驅羊天犀歷

斷朱鬣鼠瑞錦驚飛金鳳凰其餘豈足需牙齒欲

用何能報天子駑馬垂頭搶暝塵驕一日行千

里但有沈冥醉客家支頤瞪目持流霞惟恐南園

風雨作碧蕪狼籍棠梨花

織錦詞

丁東細漏侵瓊瑟影轉高梧月初出簇蔕金梭萬

縷紅鴛鴦豔錦初成匹錦中百結皆同心縹亂雲

盤相間深此意欲傳傳不得玫瑰作柱朱弦琴為

君裁破合歡被星斗迢迢

一作寥寥

共千里象齒熏爐未

覺秋碧池已有新蓮子

蓮浦謠

鳴。橈。輒。輒。溪。溶。溶。廢。綠。平。煙。吳。苑。東。水。清。蓮。媚。兩。
相。向。鏡。裏。見。愁。愁。更。紅。白。馬。金。鞭。大。堤。上。西。江。日。
夕。多。風。浪。荷。心。有。露。似。驪。珠。不。是。真。圓。亦。搖。蕩。

達摩支曲

雜言

擣。麝。成。麝。香。不。滅。搆。蓮。作。寸。絲。難。絕。紅。淚。文。姬。洛。
水。春。白。頭。蘇。武。天。山。雪。君。不。見。無。愁。高。緯。花。漫。漫。
漳。浦。晏。餘。清。露。寒。一。旦。臣。僚。共。囚。虜。欲。吹。羌。管。先。
沈。瀾。舊。臣。頭。鬢。霜。華。蚤。可。惜。雄。心。醉。中。老。萬。古。春。
歸。夢。不。歸。鄴。城。風。雨。連。天。草。

三洲詞

團。圓。莫。作。波。中。月。潔。白。莫。爲。枝。上。雪。月。隨。波。動。碎。
潏。潏。雪。似。梅。花。不。堪。折。李。娘。十。六。青。絲。髮。書。帶。雙。
花。爲。君。結。門。前。有。路。輕。別。離。惟。恐。歸。來。舊。香。滅。

舞衣曲

默。云。先。咏。織。衣。
藕。腸。纖。縷。抽。輕。春。煙。機。漠。漠。嬌。蛾。頓。金。梭。浙。瀝。透。

空薄翦落交刀吹斷雲張家公子夜聞雨夜向蘭
堂思楚舞蟬衫麟帶壓愁香偷得鶯簧鎖金縷管
含蘭氣嬌語悲胡槽雪腕鴛鴦絲芙蓉力弱應難
定楊柳風多不自持迴嚔笑語西窗客星斗寥寥
波脉脉不逐秦王卷象床滿樓明月梨花白

惜春詞

百舌問花花不語低回似恨橫塘雨蜂爭粉蕊蝶
分香不似垂楊惜金縷願君留得長嬌饒莫逐東
風還蕩搖秦女含嚔向煙月愁紅帶露空迢迢一作寥寥

春愁曲

紅絲穿露珠簾冷百尺啞啞下纖綆遠翠愁山入
臥屏兩重雲母空烘影涼簪墜髮春眠重玉兔氤
氳柳如夢錦疊空床委墜紅颼颼掃尾雙金鳳蜂
喧蝶駐俱一作戲悠揚柳拂赤闌纖草長覺後梨花委
平綠春風和雨吹池塘

蘇小小歌

買蓮莫破券。買酒莫解金。酒裏春容抱離恨。水中
蓮子懷芳心。吳宮女兒腰似束。家在錢塘小江曲。
一自檀郎逐便風。門前春水年年綠。

春江花月夜詞

玉樹歌闌海雲黑。花庭忽作青蕪國。秦淮有水水

純云字法

無情。還向金陵漾春色。楊家二世安九重。不御華

芝嫌六龍。百幅錦帆風力滿。連天展盡金芙蓉。珠

翠丁星復明滅。龍頭劈浪哀笳發。千里涵空澄水

三五九上

才調集卷第二

十九

垂雲堂

魂萬枝破鼻團。香雪漏轉霞高滄海西。玻瓈枕上

聞天雞。蠻弦代鴈曲如語。一醉昏昏天下迷。四方

傾動煙塵起。猶在濃香夢魂裏。後主荒宮有曉鷺。

飛來只隔西江水。

鈍云陳後主起
後主結好諷刺

懊惱曲

藕絲作線難勝針。藥粉染黃那得深。玉白蘭芳不

相顧。青樓一笑輕千金。莫言自古皆如此。健劍

一作倡

荆鐘鉛繞指。三秋庭綠盡迎霜。惟有荷花守紅死。

盧

一作西

江小吏朱斑輪柳縷吐芽香玉春兩股金釵

已相許不令獨作空成塵悠悠楚水流如馬恨紫

愁紅滿平野野土千年怨不平至今燒作鴛鴦瓦

邊笳曲

此後齊梁體七首

鈍吟云齊梁體

今人不知矣

朝管迎秋動雕陰鴈來蚤上郡隱黃雲天山吹白
草嘶馬渡寒磧朝陽照霜堡江南戎客心門外芙
蓉老

三州七

春曉曲

才詞集卷第二

二

丑雲堂

家臨長信往來道乳燕雙雙拂煙草油壁車輕金
犢肥流蘇帳曉春雞早籠中嬌鳥暖猶睡簾外落
花閑不掃衰桃一樹近前池似惜紅顏鏡中老

俠客行

鈍吟云落想如

畫字字生動

欲出鴻都門陰雲蔽城關寶劍黯如水微紅濕餘
血白馬夜頻驚三更灞陵雪

春日

柳暗杏花稀。梅梁乳燕飛。美人鸞鏡笑。嘶馬鴈門歸。楚宮雲影薄。臺城心賞違。從來千里恨。邊色滿戎衣。

咏嘯

毛羽斂愁翠。黛嬌攢豔春。恨容偏落淚。低態定思人。枕上夢隨月。扇邊歌繞塵。玉鈎鸞不住。波淺石磷磷。

三五九

才調集卷第二

二二

聖德堂

太子西池二首

默云題未解應是其人所居
鈍云太子西池事見晉書

鈍吟云此書極重溫李有好詩便選他人只截取一路不必所長。飛卿文不如長吉正以理勝此選者之旨也

梨花雪壓枝。鶯囀柳如絲。嬾逐糝成曉。春融夢覺遲。鬢輕全作影。嘯淺未成眉。莫信張公子。窗間斷暗期。

花紅蘭紫莖。愁草雨新晴。柳占三春色。鸞偷百鳥聲。日長嫌輦重。風暖覺衣輕。薄暮香塵起。長楊落照明。

顧況一十一首

默庵云此公詩出於
太白一轉而為樂天

悲歌六首

并序

情思發動聖賢所不能免也師乙陳其宜延州審
其音理亂之所經王化之所興也信無逃於聲教
豈徒文彩之麗遂作此歌

默庵云此

真風入

鈍吟云全

似鮑參軍

才調集卷第二

十一

垂雲堂

臨春風聽春鳥別時多見時少愁人一夜不得眠
瑤井玉繩相向曉

城邊路今日耕田昔人墓岸上沙昔日江水今人
家今人昔人長共歎四氣相催節迴換明月皎皎
入華池白雲離離度霄漢

我欲昇天隔霄漢我欲渡水水無橋我欲上山山
路險我欲汲水水泉遙

越水翠被今何寂獨立江邊莎草碧紫鷺西飛欲

寄書白雲何處逢來客。

新結青絲百尺繩。心在君家轆轤上。我心皎潔君不知。轆轤一轉一惆悵。

何處風光驚曉幕。江南綠水通珠閣。美人二八顏如花。泣向春風畏花落。

梁廣畫花歌

王母欲過劉徹家。飛瓊夜入雲軒車。紫書分付與青鳥。却向人間求好花。上元夫人最。小女頭面端正能言語。手把梁生畫花看。凝噏掩笑心相許。心相許。爲白阿孃從嫁與。

送別日晚歌

日溟溟兮下山。望佳人兮不還。花落兮屋上草生。兮堦前。日日兮春風。芳菲予欲滅。老不可兮更少。君何爲兮輕別。

行路難

默庵云風人之
詩太白嫡派

君不見。擔雪塞井空用力。炊沙作飯豈堪食。一生
肝膽向人盡。相識不如不相識。冬青樹上。挂凌霄。
歲晏花凋樹不凋。凡物各自有根本。種禾終不生
豆苗。行路難。何處是平道。中心無事當富貴。今日
看君顏色好。凌宋本作菱

弃婦詞

默庵云直

逼太白

鈍吟云何

如太白

三五

才調集卷第三

二四

垂雲堂

古來有棄婦。棄婦有歸處。今日妾辭君。遣妾何處
去。舊家零落盡。慟哭來時路。憶昔初嫁君。聞君甚
周旋。綺羅錦繡段。有贈黃金千。十五許嫁君。二十
移所天。結髮日未久。離居緬山川。家家盡歡樂。賤
妾空自憐。幽閨多沉思。盛事無十年。相思若循環。
枕席生流泉。流泉流咽不操獨。夢關山道。及此見君
還。君歸妾已老。物華惡衰賤。新寵芳妍好。掩淚出
故房。傷心極。秋草自妾爲君妻。君東妾在西。紅顏

到曉恨。玉貌一生啼。妾有嫁時服。輕雲淡翠霞。琉璃作斗帳。四角金蓮花。自從別離後。不覺塵埃厚。常嫌玳瑁孤。獨恨梧桐偶。玉顏逐霜霰。賤妾何能守。寒沼落芙蓉。秋風散楊柳。以此憔悴顏。空將舊物還。餘生欲有寄。誰肯相牽攀。君恩既斷絕。相見何年月。悔傾連理盃。虛作同心結。女蘿附青松。貴在相依投。浮萍共綠水。教作若為流。不念君棄妾。自歎妾緣業。憶昔初嫁君。小姑才倚床。今日辭君去。小姑如妾長。回頭語小姑。莫嫁如兄夫。

三五九

才調集卷第二

三五

垂雲堂

送行歌

送行人。歌一曲。何者為泣。何者玉年華已向秋草衰。春夢猶傳故山綠。

吳融二首

浙東筵上有寄

鈍吟云。豔詩妙語。然取此而去。韓致光何也。

襄王席上一神仙。眼色相當語不傳。見了又休真。

似夢坐來雖近遠。於天隴禽有意猶能說。江月無心也解圓。更被東風勸惆悵。落花時節蝶翩翩。

平結

富水驛東楹有人題詩

筆跡柔媚
出自纖指

繡纓霞翼兩鴛鴦。金島銀川是故鄉。只合雙飛便雙死。豈悲相失與相忘。煙花夜泊紅蕖膩。蘭渚春遊碧草芳。何事遽驚雲雨別。秦山楚水兩垂張。

崔塗六首

夕次洛陽道中

二分五十三

才調集卷第二

二十六

垂雲堂

秋風吹故城。城下獨吟行。高樹鳥已息。古原人尚耕。流年川暗度。往事月空明。不復歎岐路。馬前塵夜生。

巴南道中

久客厭岐路。熟云道中出門吟且悲。平生未到處。落日獨行時。芳草不長綠。故人難重期。那堪更南渡。鄉國

奇句

道中

是天涯。

巴陵夜泊

家依楚塞窮秋別。身逐孤舟萬里行。一曲巴歌半江月。便應銷得二毛生。

春夕旅遊

默云春旅遊

水流花謝兩無情。送盡東風過楚城。蝴蝶夢中家萬里。子規枝上月三更。故園書動經年絕。華髮春移一作唯滿鏡生。自是不歸歸便得。五湖煙景有誰爭。

放鷓鴣

默云放

秋入池塘風露微。曉開籠檻看初飛。滿身金翠畫不得。無限煙波何處歸。

二名十三

才調集卷第二

二十七

垂雲堂

巫峽旅別

默云巫峽

五千里外三年客。十二峯前一望秋。多少別魂招不得。夕陽西下水東流。

盧綸七首

春詞

北苑羅裙帶。塵衢錦繡鞋。醉眠芳樹下。半被落花埋。

蚤春歸盤屋別業寄耿拾遺

默云蚤春

默云五句俱別業

野日初晴變壠分竹園村伴鹿成羣幾家廢井生
春草一樹繁花對古墳引水忽驚冰滿澗向田空
默云緊結盤屋別業
見石和雲可憐芳歲青山裏唯有松枝好寄君

晚次鄂州

默云鄂州

雲開遠見漢陽城猶是孤帆一日程賈客晝眠知
浪靜舟人夜語覺潮生三湘衰鬢逢秋色萬里歸
心對月明舊業已隨征戰盡更堪江上鼓鼙聲

二九十三

才調集卷第一

二十八

垂雲堂

古豔詞二首

殘粧色淺鬢鬟開笑映珠簾覩客來推醉唯
弄花鈿潘郎不敢使人催

自拈裙帶結同心暖處偏知香氣深愛捉狂夫問
閑事不知歌舞用黃金

代負將軍罷戰歸故里寄朔北故人

默云罷戰歸

默云朔

結髮事疆場全生到海鄉連雲防鐵嶺同日破漁
陽牧馬胡天曉移軍磧路長枕戈眠古戍吹角立

繁霜歸老勲。仍在酬恩虜。未亡獨愁過。邑里多病
對農桑。雄劍依塵席。陰符寄藥囊。空餘麾下士。猶
逐羽林郎。

送南中使寄嶺外故人

見說南來處。蒼梧接桂林。點云南嶺外。過秋天更暖。近海日長
陰。巴路綠雲出。蠻鄉入洞深。信回人自老。夢到月
應沉。碧水通春色。青山寄遠心。炎方無久客。共使
鬢毛侵。

無名氏一十三首

雜詞

勸君莫惜金縷衣。勸君須惜少年時。有花堪折直
須折。莫待無花空折枝。

青天無雲月如燭。露泣梨花白如玉。子規一夜啼
到明。美人獨在空房宿。

石沉遼海闊。劍別楚山長。會合知無日。離心滿夕
陽。

空賜羅衣不賜恩。一燠香後一銷魂。雖然舞袖何曾舞。常對春風裊淚痕。

不洗殘粧凭繡床。却嫌鸚鵡繡鴛鴦。迴針刺到雙飛處。憶著征夫淚數行。

眼想心思夢裏驚。無人知我此時情。不如池上鴛鴦鳥。雙宿雙飛過一生。

一去遼陽繫夢魂。忽傳征騎到中門。紗窗不占施紅粉。圖遣蕭郎問淚痕。

二六

香奩體

才調集卷第二

三

垂雲堂

鶯啼露冷酒初醒。罨畫樓西曉角鳴。翠羽帳中人夢覺。寶釵斜墜枕函聲。

行人南北分征路。流水東西接御溝。終日坡前怨離別。謾名長樂是長愁。

偏倚繡床愁不起。雙垂玉筍翠環低。卷簾相待無消息。夜合花前日又西。

鈍云白詩只四字不同却妙

悔將淚眼向東開。特地愁從望裏來。三十六峯猶不見。況伊如鷺這身材。

鈍云這字僅見

滿目笙歌一段空萬般離恨總隨風多情爲謝殘

陽意與展晴霞片片紅

鏡云

香奩體

默云

兩心

兩心不語暗知情燈下裁縫月下行行到堦前知

月下

未睡夜深聞放剪刀聲

裁縫

才調集卷第二

才調集卷第二

三

垂雲堂



